

HUMA KOMITSE

Imba, huma komitse, nOmuua Jesus enda!
 :::Oje e ku kondjele 'Lago ndjo ljohenda:::

Ino til' uusiku mbu Mevi ljoluhodi!
 :::Inekela Omuaa ngu, 'Ndjaji molugodi:::

:::Shili jOmuaa kondjela, Ino tengukila!
 :::Oje te ku humbata Sigo okombila:::

"Rienna riemuin" H. L. 230,

OMADILADILO GENI NAGA FE NGEJAKA GA KRISTUS JESUS KUA LI E GA NA. Fil. 2:5.

Omadiladilo geni naga fe ngejaka Kristus Jesus kua li e ga na. Oje ina hakana a kale a fa Kalunga. Oje ini ijageka aasama nomagoja naantu mboka jaa noondunge da guana. -Oje ini ijageka oohepele naakaane-laago. Oje ina kala nokuiopalela je muene. Omujapostoli Paulus osho a ti: „Taambacani ano ngashika na Kristus okue mu taamba okusimanekica Kalunga.“ Oohapu dika, „okusimanekica Kalunga“ tadi ti: Nge tatu shigi no tatu popile aankundi osho tatu simanekica Kalunga.

Mpaka itatu kumagidua okuzimina uunkundi uaantu nenge okupopila uukolokoshi, ihe ngele pe na ngoka ta popile omunkundi e ta kuaca omuntu omuujaji a ze muujaji ue, osho ngeji ta simanekica Kalunga.

Mpaka tandi diladila nkene tu nokukala naantu mboka taa pongeke oojakuauo no taje ja vulica nokulundila aantu nokupopjagana oohapu do ola niitetela kaji nomutse nondungu no taa lolokica aaendacani najo tu ja jakule ngiini opo ejakulo ndjoka li simanekice edina ljOmuaa?

Ando tu nediladilo lja fa ndjoka Omuaa Jesus kua li e li na, andoia itatu vulu oku ja pangula tse itatu uapa okuhokololela aantu oohedi dauo, oshoka osho tatu ja cindile mondoja jauo.

„Ano otse mbaka aanankondo otu nokuhumbata uunkundi uaamboka kaa noonkondo, tuua kaleni nokuiopalela otse jene. Okehe tuu ngoka guomutse na kale kuoopalela omukuauo, oku mu jakulila uuanaua ue nokukoka kue.“

Ando tu dimbulukue shili elongo ndika ljomujapostoli ando okukalacana kuetu ku kale ku uuda elago na Kalunga ta simanekicua mutse no kutse no mejakulacano ljetu.

Jesus ota ti: „Mu ilonge ndje, oshoka ongame omunambili nomutima ndi ishono-peka.“ -Ha kombanda akuke, ha niitja iijuki ajike, aue, „okomuendo one no tamu imonene oomuendo deni evululuko.“ Evululuko ljomuendo detu oljo efupi, oshoka ehala ljetu ljokuhumbata uunkundi uoojakueta meifupipiko lja shili, oljo efupi.

Pa omubisofi Martti Simojoki.

EPANDELA KOMBANDA JE NALI KALE OHOOLE.

Omuuvici omunene D. L. Moody a popi esiku limue, a ti: Tandi diladila ngaaka: Esiku limu kombanda jejumuko lja Jesus, Petrus okue mu lombuele, a ti: Omuaa, ongoje ua hala shili tse tu uvicile aashitua ajehe evangeli?

--Eeno, osho shoka nda hala.

--Natu shune ku Jerusalem tse tu uvicile aadipagi joje elaka ndika ljenjanju?

--Eeno osho tuu shoka, Petrus. Shuneni ku Jerusalem mu kale ko sigo tamu zalekua oonkondo dokombanda. Tangotango tamu ja uvicile elaka ljenjanju! Kongeni omulumentu ngu a hijile ndje omajeje koshipala mu mu lombuele kokutja onde mu dimine po ondjo je. Momuenjo guandje mu na ohoole ajike joku mu hoola.

--Kongeni omulumentu ngujaka a zaleke ndje oshishani shomakuega sha alula ndje, mu mu hokololele kokutja onda hala oku mu zaleka oshishani she mu tegelela moshilongo shandje shaa tuu a hala oku shi taamba. Moshishani shono kamu na nando okakuega, oje no + shi zala sigo aluhe omoshilongo shOmukulili gue.

--Kongeni omulumentu ngujaka a kucan ndje odimbo moshikaha nokue ji dengica ndje komutse, omakuega goshipaka no ga ningine ndje muule momutse. Oje ngele ta zimine okuhupicua, Ongame nda hala oku mu pa odimbo juukuaniilua e ji jeluca kombanda jiiguana jokombanda jevi. Eeno, onda hala shili a peue okukal' omutumba koshipangelapundi shandje pamue nangame.

Indeni mu ka konge omulumentu ngujaka a denge ndje olupi koshipala. Nge tamu mu mono, mu uvicileni evangeli, ne mu tje: Ombinzi ja Jesus Kristus haji jogo kuulunde kehe, nombinzi jandje oje mu tilahililua.“

--Eeno, te diladila, Jesus nkene a ti: Ka kongeni omukuiita ngujaka a tsu ndje egonga molupati luandje. Tamu mu lombuele, tamu ti, ondjila jokuja momuenjo guandje ofupi ji vulike ku ndjo. Tjeni, ongame tandi mu dimine po ajihe no nda hala oku mu ninga omukuiita guomushigakano. Epanдела kombanda je nali kale ohoole!

Omambo omape ga holo-ka isheue. Ogo ngano:

Euuco lja Kalunga ljopahogololo. Tali landua -/4.

Omutima uomunu tali pula 1/3.

Omateamenti gopashindonga omashona ga pu po, no itaga monika no komeho. Omanene taga landua 2/6.



SHITLANGU.

omuna guokombanda.

Lja njolua
ku
Andre de Clerc
na
Edoardo Mondlane
Lja lundululua
ku
Hosea Namupala,
Etsikilo.

-Meme, omoluashike tate a li a taamba uudigu u cike mpo?-

-Oshoka ondunda jomukiintu gue gua mbanda oja li ja kumbua naji. Konima joomvula oonshona oondunda ohadi gandja omadidiliko guukulupe oongudi tadi olo, iihenguti taji lika kuuhua, nomuiidi tagu pumbua okukumbululua ko. Shika osho oshinakuguanicua shaalumentu, nosho oshinakuguanicua oshinene. Nonando ongeji, iinima oja li ngaa ja pupalekelua ho, oshoka okua li ta lele oshilongo manga a tegelela omuuanjokcgoni Mangatlu, Ekodi, a taambe elelo. Ho okua li omuleli guoshiguana. Omuulaadi mbuka, ashihe kua li e nokuninga osho okuhogolola shoka a hala momikunda.

-Nena otse aakuaniilua aanene?

-Ooho oja li aakuaniilua aanene konima joomvula domilongo odindji oja li nokuli ja hangana noja uilike oongundu daakuiita okukondjica aamatukili Aazulu. Ihe oja li ja ciminikua okuigandja nokufuta omaliko gauo kaasindi jauo Aazulu mboka ja li ja lala oshilongo.

-Omukuaniiilua gua hugunina omunene, okua li e hoolike nokua simanekua ku ajehe—nando a li e sindike kiilumbu—oje Shitlangu Omunene ngoka a li a pangele ecimbo ele. Oje a li a landula he Swaritiho, omuna gua Mitambuti, omuna gua Kamban, omuna gua Ndzovo. Aalumentu mbano oja li ja lele oshilongo shika ashihe, ou uviteko. Oshilongo shika ashihe! Ihe evi ljetu olja li lja topolua momikunda omishona. Mpano otu li pomikunda da Mitambuti, Shitlangu!

-Tumbulula, Shitlangu.

-Onda kala pu da Mutambuti.

-Oo na okudimbulukua omadina gakuaniilua mboka ajehe aanene, oshoka natango oja kala mokati ketu.

-Ihe meme, ngame inaandi ja mona nando lumue.

-Omukuaniiilua ngele a si nomudimba gue gua pakua, je muene ota ji" Kongundu onene jaakuaniilua mba ja sa" Ota ka kala naanaa oje lela: oonkondo de, ondjelo je, uukuatja ue, uulumentu ue, einjengo ljomutse gue, eui lje, omatokolo ge, einenepeko lje, omadimbuluko ge noondunge de olupe lue nomuzizimba gue, ajihe oje lela kakele kolutu ndu luaa po. Ongundu onene ndjino jaakuaniilua ja sa ohaji tsakanene momuzile guomuti.

-Onda hala oku ja mona. Osha pitikua tuu?


-Shshshshsh, shshsh, muena. Oshi indikua.

Ihe taa vulu ngiini ano okukala natse meme?

-Oje tu uete nohaje tu uvu. Ojo haa pulakene kutse ngele tu li muudigu; ojo haa tu tumine omvula nojo tuu haa keelele oshapapa shaa je shi lje po iilja. Oshoka oje tu hoole. Oje na ondumbo na ohaa geje ngele tatu ja ningi naji. Oshinima kehe tatu ningi sha. simana, otse mboka tu li momalutu getu, oshi nokukuatacana naakuaniilua jetu mbo ja sa mboka hatu ja icana ookalunga jetu. Okanona ngele ka valua otu nokulombuela ookalunga; ohango ngele taji longekidua, oje nokutseja nokuzimina. Ookalunga jetu opua uviticua uo naji ngele oshigunda shoongombe tashi tembukile kohambo jilue jo inaja tsejicilua.

-Olje ha uapa okupopja nookalunga nolje ha uapa oku ja uva? Omumatjona onga ngame okua pitikua?

-Atuhe otatu vulu okuninga sha moshilonga shika, tashi ti, otatu uapa okuholola ohoole jetu nesimaneko ljetu omagandjelotililo gomalovu koombila dauo; osho naanaa, otu nokuja hololela esimaneke



ljetu; ihe miinenenima ajihe otu nokuja koompulile. Ohaa uvu iitja jookalunga notaa ji tu fatululile.

-Ookalunga oja li tuu ja lombuelua evalo ljangje?

-Shoka osho nda li tandi ja pu sho nda li nda popi kombinga jaho. Okua li a adika ta kumbu ondjugo jomukiintu gue guambanda sho u uvu kutja onde eta okamati muujuni. Etsejico olja li euanaua ngiini! Okamati ke li naua! Nena ho okua ji nduno a ka tsejice oshinima shika kaalumentu jamue jomomukunda; nokua ji najo kompulile onene joshiguana shetu. Ompulile nguka okua kuca iipakosolua meshungu li li po nuusipa uomajoka nouoonkoshi, nosho uo omasipa giikombo nogoohumba omo ga li. Okue ga shukashuka ecimbo ele nokue ga umbile poshipa shoshikombo. Okua li a hala okutseja naua shoka ookalunga taa diladila kevalo ndika. Sho a didilike naua ehalo nehunganeko ljesipa noljoshipakosolua kehe, okua li u uvite ko ejamukulo ljookalunga. Oje a fatula:—Ookalunga otaa njanjukua omolu okuja muujuni kuomunona nguka omumati. Otaje mu halele edina limue ljomomadina gookalunga. Ehala ljaou ondika kutja andola a icanue edina lja Shitlangu, oshoka oje uala omunene ngoka a tameke isheue okukalamuenjo kue monjama jomunona nguka.—Ho okua li i iuvite uunene nokua li uo a lopela ehunganeko ndika. Oshoka oompulile oja gandja edina ndika oluindji, edina ljoje, kuumati mboka opo ua lili elilo ljetango. Na auhe oua sa.

-Omoluashike meme?

Oshoka pomacimbo gamue oompulile (mpoka meme okua heda ku ngame nokua nongonene ndje pokutsi oshiholekua oshinene shoka nando ogumue ke na okushi hokolola)—Pomacimbo gamue oompulile ohaa puka. Csho oshiuanaa okunjanjuda omulumentu okugandja edina ljependa kokamuana opo ka valua! Oompulile ohadi umbu omasipa ngoka taga ulike shoka ookalunga ja hala tu uve, ihe oompulile mbaka taa diladila omagano taa ke ga peua, goshikombo oshoka ngele kua gandjua ejamukulo euanaua osho haa peua koohe jaanona. Taa tala tuu omasipa ihe otaa pulakene eui ljoondunge dauo jene. Otaa fatula shoka omatokolo gauo taga ti. Ihe okamati ngele ka peua edina enene pombambo, ookalunga otaa ka dipaga.

-Otaa dipaga ndje uo, meme?

-Kanona, ino popja ngaaka! meme osho a igida nokukuatua kuumbanda.—Aaue, cndi shi shi ookalunga oje ku hoole. Ando hasho ando ua sa nale.—Ihe nandi tsikile.—Dimbulukua kutja ngoje ino fa uumati ulue, ihe ongoje Shitlangu guetu omunene ngoka a pangelele evi ndika oomvula noomvula. Kehe gumue oku shi shi ngashingeji. Na sho aakiintu ja Shitlangu omunene haa ja okutalela ndje po nohaa ku etele omalovu nomagano gomakua ga telekua, omoluashono taa dimbulukua omuhokani nomukuaniiilua gauo. Na omoluashono nda li nda soluhodi moku ku mona omunahambo omunjengui. Omuntu ngele oje Shitlangu, ke nokulila ouala. Dimbulukua nokumeho kutja ongoje Shitla-

AAPAGANI OJA TEDULULICUA KONGALO.

Moshilongo sha Tzeltal mu Mexico, omua tamekua oshilonga shevangeli omumvo 1939. Osha tamekua koofeilaini jaali mboka ja li ja tumina ko kaakriste joku Amerika. Ojo sho ja tumua, oja peua okahumba koongalo di nomauvico goohapu da Kalunga melaka ljaantu mboka.

Esiku limue okangundu kaapagani oka pulakene isheue oongalo doka. Mokati kauo omua li mu nomulumentu gumue guokomukunda guokokule. Oohapu doka da Kalunga ode mu kuata shili komuenjo gue, sigo oje okua pula, ngele otashi vulika a kuacue okahumba noongalo doka e ke di hikile oojakuauo jokomukunda nguijaka. Oofeilaini oji inekele omulumentu ngoka no je mu pe okahumba noongalo doohapu da Kalunga.

Pua piti omouedi odindji. Esiku limue komukunda nguijaka kua zi aantu jamue, je ja pongulu. Ojo oja hokolola kutja aantu 30 jokomukunda guauo oja adika ji itaalicia koohapu doongalo. Pua piti isheue oomuedi odindji. Elaka ekuauo olja tumbula aantu 70 ji itaalicia no ji indile oofeilaini je je je ja longe.

Oofeilaini mboka no ja tembukile ko. Aantu jokomukunda nguija oja humbata iinima joofeilaini ondjila ndjoka ajihe, aatumua mboka jaali oja tungilua ongulu jauo kaantu mboka. Komeho kua tungilua oskola nongerki. Aatondi jevangeli sho ja fike po ongerki jotango, aakriste oja tungu ompe ji noombasikena da jocua nondunda jipeleki.

Omualu gaaakriste ogua tameke okutana, sigo aantu 700 oja uapa okugongala momambo esiku limue. Elongelokalunga olja ningua kaavaleluamo pamikalo dauo. Kehe eimbilo olji imbululua oluindji, sigo kehe gumue e li tseja. Aantu ajehe oja ningilua oskola josondaha. Okangundu kehe oka li ke noshilongua shako shi ili. Omuntu ita peua oshipe, manga ini ilonga naua shoka shotango. Nando na kale noshilongua shoka etata ljomumvo, ashihe shimue, oje e noku shi ilonga. No hasho ashike. Aashiinda she naakuluntu jegongalo otaa pulua, ngele omuntu ngoka a kala uo pahapu doka te di ilongo. Ngele oje ta dimbululua e di ilongo no mokana ke no mokukala kue, nena oje ota tulua mokangundu taka landula ko, opo a longue oshilongua oshipe.

ngu omunene, omua ependa ngoka a li a fala aalumentu komalugodi.

Meme okua kala he endululica ndje omadina gootate ookalunga esiku nesiku, nokua tumu noje kuvista koshana oshishona. Okulica oluindji okua longo ndje. Ondi ikongele muene ashihe, ha etampi alike ihe odimbo uo, ndjoka ekuaco ljangje na onde ji lombuelua naua ku Madsheriman no najo ohandi ganda ontsezi jonzi ndjoka jaandjettu Huu! olje a li omusindani molugodi pecimbo ndjono? Omunahambo omugundjuka Shitlangu. Ontsezi jonzi oja li ji nokugaluka nokuvulika. (Tadi tsikilua.)

OUNJUNI TAU POPI SHIKE

SUIDWES-AFRIKA.

Ondangua.

Okua popiua efimbo lile kanini Ondangua i tembulue kOshigambo. Ndele itashi ka pingua nande, shaashi kOshigambo omeva inaa uana. Oilonga jesina lombola tai pumbiua ihapu. Ndelenee i shi kulo-
ngua kOndangua jo.

Kaokoveld.

Ovaamerika vomomahangano avali omiina ove lipjakidila eedula mbali keemunda dokoKaoko, opo va shiive ngenge oilonga jomiina i shi kuhovelua ko. Paife kua monika oominerali dihapu peeñele mbali, ha kokule uunene nOhopoho. Okuendifa eeminer-
nerali taku pumbiua olutenda talu tuala komuñgulo ua Rocky Point.

Ovamatitavai kOushimba.

Ehangano leefalama la indila Administrateur oumati uomongudu C itava lundulua mongudu A nande va longa omudo umue mofalama. Otashi ti: ove nokulonga keefalama fiyo va sakanifa omido 20. Nomurafalama kese na peue omumati umue ngenge ovanini ngenge ovahapu.

Suidwes-Afrika na Union.

Omupangeli ua Union, dr. Malan ta ti: Edu la Suidwes-Afrika na Union tali ningi oshilongo shimue noshuana shimue. Omadu aeshe avali otaa tumu ovatumua ao okukundafana nokutokola oinima jomapangelo. Suidwes-Afrika na Union e na ovet-
ta imue aike.

Okahandja.

Ongue oja ninga omupolisi uomatukutuku pondjila pokati kOkahandja na Windhoek. Luhapu hai holoka poñele imue oufiku. Aya tava singi omatukutuku nee-

OSHILONGO SHA LUUA,
NEGONGALO LJA UAJELUA.

Omutidaganua Filippus sho e ja moshilando sha Samaria okue ja uvicile evangeli lja Jesus Kristus. Aantu oja li ja hokua shili euvico ljevangeli. Iil 8:6. Mu Samaria omua li uo omuvundakanici Simon onganga. Oje a tile: Oje omunene aniuu Iil. 8:9. Omulumentu tuu nguka okua pukica shili ojendji. Ojendji je mu ti: „Oje oonkondo da Kalunga di icanua onene!” Iil. 8:10.

Aavundakanici ja fa Simon onganga ja holoka uo momagongalo getu mOuaambo. Andija ndi mu hokololele onganga jomunkumbi ji li muka moshilongo shaandonga, taji lu po emona ljoshilongo niifundja jajo; e taji vundakanica omagongalo:

Petameko ljomumvo nguka 1954 onganga jiiifundja joshinkumbimuntu ja holoka komikunda do mOndonga do kuuzilombugantu. Onganga ndjoka taji lu po shili emo-

Elongelokalunga otali tsikilua komatango. Aantu mboka kaje neulumo, manga je li poohapu dOmuua. Nando euvico li kale li cike potundi ju uda, ojo itaa vulua. Aatumua ihaa uvica. Oshilonga shauo oshinene osho okulundulula oohapu da Kalunga melaka ljaantu. Moshilonga shoka ojo otaa kuacua kongundu jaavaleluamo. Ojo otaa leshelua ontopolua ompe pecimbo ljongula. Pomutenja, manga otaa longo epja, otaa kundacana oohapu doka. Ongulohi, sho ja zimbuka, otaa ka hokololela aatumua shoka je shi mono moohapu doka, ngele ja hala okupukulula sha nenge okulundulula sha, nosho tuu. Osho ngeji oshilonga shoohapu da Kalunga otashi humu komeho.

Ihe etameko ljasho olja ningua kokahumba koongalo ka hambatua komulumentu gumue komutango guokomukunda guaan-
djauo.

Ongoje oto taandelica ngiini oohapu doka domuenjo komukunda guaadjeni?

falata itava dulu okuendelela, aje, ve no-
kuenda nombili.

Natal.

Oshiponga shomundilo sha kulakula sha kala mu Natal. Oinamuenjo oja i noñapo i noumbada uhapu. Eefalama nomaumbo ovañu a pja filu. Ovadaleluamo vavali ova fila mo momundilo ile pamue ovahapu ve va dule. Eengobe noukambe needi omafele da file mo jo. Oilja nomiti doiimati noinapelo oja jonuka po ihapuihapu shili. Omudaleluamo umue a enda mepja loshuuka nomundilo meke laje nokue u umbile mepja ovañu eshi ve mu dimbulula.

Eembimbeli.

Eembimbeli tadi pulua dihapu mu Afrika. Nande omambo makuauo opo e li, itaa landua mahapu ngasi Ombimbeli. Mu Oos-, Wes- na Middel-Afrika Ombimbeli ohai landua 400000 momudo umue, mu Noord- en Suid-Rhodesia 80 000, mu Union 300 000. Adishe kumue 800 000 momudo umue. Eembimbeli 400 000 odo eembimbeli adishe, tashi ti: Etestamenti likulu no lipe. Oshihupe osho Omateamenti mape aeke. Eembimbeli edi da njangidua momalaka 300.

Europa.

Middel-Europa.

Mu Europa omua kala neudo omafundja manene manene, inaa monika momido omafele omafundja e fike apa. Omulonga omunene Donau otaku kondo omadu mahapu, ngashi ku Suid-Duisland. Oua eta omafundja manene molu eedula dihapu, shaashi odula oja loka unene. Eembinga dihapu domoilongo ihamano oda tuvikilua komeva efundja. Ovañu ve fike 50 000 va li ve nokudja momaumbo avo. Vamue, 26 pamue va file momeva. Oipo-

na ljoshilongo niifundja jajo. No ja vunda-
kanica shili aakriste jegongalo ndijaka. Oshoka aantu je ji tala aniuu ojo oonkondo dimue di icanua oonene. Onganga ndjoka taji fulu omidi diihua muuheke mboka tau tu kunduka, no taji ti: Otaji tida po nado eso maantu, no taji eta uo aniuu oluvalo maantu. Aantu ojendji mboka inaa itaala: oshili ndjika kutja: „Jesus Kristus okua si po eso ljetu, tse tu kale tu nomuenjo omolue” oja pukicua kujo. Aakiintu jamue mboka ja hala oluvalo oji ifutu jo jene, ja mone oluvalo. Manga jamue ja futu ojana aakodona konganga, opo aakuluntu ja pangue-. Noojakuauo ja futu omaliko ogendjiendji. Kua jalulua eliko ljoshilongo ndjoka aantu jomikunda dijaka je li gandja li falue kOnkumbi oljo: Oongombe omugoji, nokandoongi, niikombo itano. Iimaliua niinima iikuauo mbjoka ihaaji ende puujelele kaji shiuike. Tua uvu isheue kua tiua: Oku na isheue ohambo je joongombe ji li komikunda do mOndonga da gama kuuningininombangalantu.

Onganga jiiifundja ndjoka oji na uo ookuume kajo jaandonga, mboka taa ji endica, ji lue po oshilongo; jo ji pukice ngaaka omagongalo. Aaendici ja tja ngaaka otandi ti ojo aatondi joshilongo, oshoka ja hokua okufalica eliko ljoshilongo kaafundja jaakulongo mbo.

Kombinga jegongalo tatu kambadala okupukulula aakriste mboka taa panunine uupagani momagongalo. Na jamue tu noku ja pa omageelo. Naa mboka itaa ja hala okupukuluka no komeho, otu noku ja konda mo shili megongalo.

Ihe kombinga joshilongo tandi diladila kutja: tatekulu jetu, omuene guoshilongo ngiika ina tseja ekumbu ndjoka li li moshilongo she. Onke tatu kugu onkugo juukilila kuuaa ua muene guoshilongo tatu ti: „Omuene guetu, oshilongo shoje tashi luua p' eeel! Emona ljoshilongo shoje tatekulu tali ji noonganga diifundja daakuiilong' eeel!”

Ojendji tua hambelele Kalunga Tate sho ta pe oluindji omukuaniilua guetu

nga aishe oja pula eeponda dihapu neeñono. Moshilando shimue ovalumeñu aveshe va shakanifa eedula 18 va peua elaka lokukuafa ovañu ava ve li momeva. Omadila omAmerika a hupifa ovañu vahapu no a eta eesako dedu 100 000 di kondjife efundja. Oitaua nomalutenda oa jonua komeva no kae fi kuendua. Efundja ola tuala edu lomajja mahapu. Oilja ja hangika ja tilijanene etejo oja jonua komeva. Otaku pula omido dihapu fiyo oi-
ponga oja uapalekua. Noimuna jo omajuvi oja file momeva.

England.

Moshilando sha Keswick shomu England ohamu ongala keshe omudo oshoongalele oshinene shokutuala ovakriste moule ueendjovo da Kalunga nokushiiva Kristus. Ovananashoongalele hava di moilongo ilili noilili ve li po ve fike 5 000. Moshooongalele shetumo ovanjasha 150 ova holola lavo okuninga ovatumua nokuja momadu ovapaani.

Sodom.

Oshilando sha Sodom osho sha jonuka po omolua eshi kamua li mu novajuuki pefimbo la Abraham, osha tungululua paife noshi na eengulu dinene neendjila diua da juuka. Ano eendjovo domuprofeti Hesekiel 16:55 da tua kokutja: „Omumuanjoko Sodom otashi ka kala ngashi sha li nale.”

Japan.

Japan olo epja lakukuta. Omunu umue auke uomafele avali oje omukritse. Ovañu aveshe kumue 87 000 000, novakriste vomuvo 403 800. Ovakatoli ove li po 185 300 novaprotestanti 218 500.

IIKOLICA OJO OSHIPONGA.

Omumvo nguja gua ji, nopetameko lja nguka kua hokololua omukulukadi omukulupe a tsika okua li megumbo ljomuana, omukiintu. Omuuana okue mu peomalunga, okue mu cigi poshinjanga. Omuuana nokua ji kiiijale, okua kala ko sigo omutenja ogua tsu. Omukulupe sho a adika komutenja, okua njengua okumona osheelo shondunda sigo a lala mpoka. Komatango okua adika a hepa komutenja, sho a gumua, ota pushuka, ongula okua si.

Mongerki esiku limue omua li ekundacano omolu iikolica. Omandaha omukulukadi gumue okua shi e ta nu omalunga, e ta ji puushiinda, e ta nu isheue, sho e ja mokagumbo ke, okua kuca ekopi a je kiiijale. Ano sho a galuka ko okua tameke okufula ela sigo komatango okua si.

Inatu dimbueni elaka ljOmuua „onkolui ita ji mo moshilongo sha Kalunga.”
M. N. Shigueda.

Ekundo

Johannes Onesimus Swakopmund ote tu kundu ngeji: „Kaleni mua tonata ne mu diginine egalikano oshoka esiku notundi Omuaa te ja inaali tsejika.”

Eindilo

Simon Nashilongo Swakopmund ota indile ku ningue omagalikaneno omolu aauambo mboka je li po mehalakano kUushimba.

guaandonga omadiladilo omauanua moku-
lala oshilongo she. Tue shi didilike uo moshigongi sha gongalele muua ue esiku eti 12 Julie 54, moka e tu hololele oshimpuju she shokuhalela oshilongo she iipangelo jaandjuka, jaa nocina. Shika she tu hololele naua kutja: omukuaniilua guetu ina hokua okupangua kuaantu je kulue, kuaa shi kuo miipangelo. Nosho shuuka shili. Onke nda vulu okuholola omapuko ngoka, omolu emona ljoshilongo sho tali ji ouala naakuilongo miifundja jouala, aantu itaa aluka shili. Naantu taa pijagane-
kua ngaaka jaa uape okuinekela Jesus Kristus omuaaludi guetu guashili. Luk. 5:13,20, 6:17,18.

Juuso Shikongo.

OKAANDJETU

OMANONGELO GETU.

Ngashingeji sho nda mana okujalula aanongekua naanongeki jomomanongelo getu agehe, onda dimbulula iinima jimue mbjoka nane uo aaleshi jOmukuetu mua hala pamue oku ji tseja. Ojo mbika:

- a) Omuaaalu guaanongekua jomomanongelo gaanona ogua shonópala nuumvo gu vulike ko guomumvoguaali aanona 881 nokuli. Omumvo 1953 ja li je cike po 13578, nuumvo 12697. Eshonopalo ndjoka lja li unene momikundamanongelo (groepstreke) dika:
mOnguediva 30 o/o, (okangundu kaanongekua 100 omilongo ndatu inaje ja)
mOlukonda 28 o/o, (" " " omilongo mbali na jahetatu inaje ja)
mOniipa 17 o/o, (" " " omulcngo na jahejaali inaje ja)
- b) Momikundamanongelo mbali adike aanongekua oji indjipala, odo dika:
mOngandjera 3 o/o, (kaanongekua 100 kehe kua guedelua ko jatatu)
mOnajena 2 o/o, (" " " " jaali)
Apehe palue omuaaalu guaanongekua gua shonopala ano.
Oshinima shika otashi zi peni? Moshikako shotango omeja ogendji ga kelele aanona okucika komanongelo. Moshikako oshitijaali omaluidi ga hepeke aanona.
Ihe ondi uete, oshiponga oshinene oshi li muuposi uaakuluntu. Natango tuu kaju uviteko naua. Otu nokusa oluhodi shili ngele tatu shi diladila muujelele uohapu da Kalunga. Aanona ojendji jaakriste otaa hepa ouala, itaa peua eputudo ndjoka je noku li peua andola.
- c) Ope nomanongelo omanene nomashona, opamuaaalu guaanongekua mboka haa holoka kenongelo esiku kehe. Omanene ge vule galue ogo nga:
Ongandjera pongulu, nuumvo esiku kehe anongekua 420,
Oshigambo pongulu, nuumvo esiku kehe aanongekua 305,
Onajena. pongulu, nuumvo esiku kehe aanongekua 257,
Enongelo eshona li vulike ku agehe galue, oljo enongelo ljokOnguediva, edina ljaljo Omupanda.
- d) Momanongelo gaakadona no gaamati nosho uo mooseminaari iilonga ja humu komitse, nomavu inaga kudila unene aanongekua jamo.
- e) Omanongelo gaanona agehe kuumue 79, gaakadona 9, gaamati 6, nooseminaari 3, ano agehegehe kumue 57. Uujamba u cike peni!
- f) Omuaaalu guaanongeki mboka je li miilonga ngashingeji, ogo li ngeji:
Aalongimati, ja piti moseminaari 140
Aalongikadona, ja piti moseminari, 86
Aalongimati, inaa pita moseminari, 27
Aalongikadona, inaa pita moseminari 61
ajehe kumue 314
Uujamba u cike peni ihe!
- g) Mokusimaneka Omuaa Jesus, Omuene guoshilonga shika, tu nokutja, aanongeki ja longo iilonga jauo, inapa holoka uudigu ua sha, sha jono po oshilonga andola. Ojendji ja didilike shili nkene ja peua oshitopolelua oshiuanaua mepja enene lja Kalunga.

"Oshiguana shi na Kalunga kasho
Omuua, oshi nelago." Ps. 33:12.

Omanongelo gomomagumbo (gomiihua) taga jalulua pehulilo ljomumvo.

Nomakundilo gombili,
Sylvi Kyllonen.

MOMAUMBO OMOMUNDAUNGILO OUKRISTE UA JA MO NGAHELIPi.

Eshi nda ja mOmundaungilo onda hanga mo ashike omaumbo atatu ovakriste.

Eesondaha dimue, aluse komatango otua li tua diinina okutuala omaudifo momaumbo. Ohatu hoolola eumbo limue alike, tashi shivifilua ovakuaneongalo mongerki.

Efiku limue tua ja meumbo limue, ndele muene ueumbo inatu mu hanga mo. Otua pula omualikadi uaje, ngenge ohatu dula tuu okuninga oandaha. Okua ti natu ninge. Otua imbi ne, ndele hatu hovele okuudifa, fijo tua mana. Opo ne nda tua eengolo mudu polupale luavo, ndele hatu hulifa ngaha okuonkala kuetu.

Nani eengolo odo da ja momuenjo uomukulukadi ou. Okue shi hepaulula movanu ta ti: "O, omusita a tuila eumbo letu eengolo, ohandi i moskola". Osho a ningi shili, fijo a shashua nounona vaje.

Osondaha imue otua ja meumbo limue. Omusamane e tu tambula, ndele okua li ine shi hala naua. Okue li ididimika ngaho fijo otua shuna komaumbo etu. Efiku limue omusamane ou okua popja movapaani vakuauo, ta ti: "Openi tapa dile nge ondjaba i kumaune po oshingulu osho sha tungua opo?" Opa pita odula imue aike, omusamane ou a ja moskola,

osho jo omukulukadi uaje fijo va shashua avese, novana vavo ve ja shikula jo. Ekuma olo a li a hala li kumaunue po, olo e hoole oku jaamena paife, ngenge te uja komambo, oku hoole konima opo ta jaamene naua kekuma olo. E hoole unene onele ojo.

Osondaha imue tua igida vali nokutja, omambo otaa ningua nena keumbo la Nima. Omusamane esi a koneka nokutja otu li popepi nokuuja, okua dja mo, ta ka hondama. Eshi tue uja mo, inatu mu hanga mo. Otua dja mo ashike, inatu ninga mo sha.

Omukulukadi uaje eshi a tala hatu shuna, okua lila neengono. Osheshi a li a hala omaudifo unene.

Omusamane umue omupaani, okue tu ifana tu je keumbo laje, oko tu ka ningila omambo. Eshi tua ja ngaha, otua ja nokakadona kamue komeumbo olo, tua fija omukulukadi ta lili. Okakadona eshi ta shuna keumbo, omaudifo eshi a pua, oka fikila taka dengua. - Osho ngaha a dengelu Omukulili uako. -

Inapu pita odula, omusamane ou a li a ja onapo jomaudifo, okua itavela omualikadi uaje a je moskola, Osho ngaha omualikadi a hafa. Okua dinina oskola fijo a shashua nounona vaje avese. Omahodi omukulukadi a fetua po ngaha.

Osho ngaha omaumbo omOmundaungilo a endua, fijo ovanu va ninga ovakriste.

OMUULIKITUMI OKUA TALELA PO OMAONGALO OKOKAVANGO.

Omuulikitumi T. Vapaavuori eshi a findikila omumbisofi M. Simojoki ku Windhoek, okua finda vali kOkavango.

Tetetete eongalo lokuMupini ola talelua po. Pamue novakuangali oko oku na jo ovambuela vahapu veliili no veliili. Omufitaongalo Elia Neromba oku noshilonga shidjuu shokuikililifa ovakuaneongalo aveshe eeñgedi doukriste. - Pongulu tapa kala eefleilaini vavali, ovo aveke, fijo omuhongi mupe nomukulukadi uaje tava ka fika, ndele ovo ove li ku Suomi mañga, fijo tava mono oñele moskepa joñumba.

Eongalo likuauo olo lokuLupala ola hala okulitungila ongereka ipe, osheshi ikulu ojo inini unene. Omufitaongalo Matias Shikondombolo okua ika nale oilonga jouta, ndele oha kuafua vali komuhongi Veikko Teinila, onutalelshitajingerki shokOkavango. ku Lupala oku na jo ofikola jovamati.

Eongalo likulu okuKuring-Kuru hali jakulua komufitaongalo Gideon Muremi nokomuhongi Otto Makkonen. Kuinja oku na otikola jovakadona noshihakulilo sha kula.

Efiku la huuninua omukunda ua Mpungu oua talelua po. Oko oku na ofikola jeputado ndele oku na jo oshihakulilo shi li mejakulo lofeilaini Hellin Elomaa. Omulongi Lukas Amunjela novakuafi vaje otava kondjele oukriste, ndele paife ovañu venja ova udanekelua omatalelopo ovafitaongalo ngeno lumue mohani keshe.

Omatalelopo enja eshi a hula po, omuulikitumi okua finda vali kOuambo, a enda mongamba, ndele okua ka talela po omusamane Josua Hanjango novakuauo vamue ku Nkongo, ndelene omolu oudjuu uomafululu ondjila, omuulikitumi okua tuikile vali oufiku ou oluendo luaje fijo a ka fika kEñana nofijo kOshigambo.

Ashipala
B. E.



kOndobe:

Frans Festus a si 11. 7. 54.
Andreas Kermer a si 7. 8. 54.
Beata Ndekumane a si 7. 8. 54.
Albertina Haufiku a si 18. 8. 54.
Fransina Mueututela a si 28. 8. 54.
Rosalia Isak a si 18. 8. 54.
Moses Jakob a si 6. 9. 54.
Hendelina Vatilifa a si 7. 9. 54.
Kaino Tiitus a si 14. 9. 54.
Samuel Lasarus a si 16. 9. 54.
Rakel Nekundi a si 13. 9. 54.
Ndeuhala Kamati a si 23. 8. 54.

kOniimuandi:

Kristofina linkono a si 26. 7. 54.
Andelheid Levi a si 9. 8. 54.
Karina Erastus a si 10. 8. 54.
Simson Amushembe a si 14. 8. 54.
Berta Angula a si 24. 8. 54.
MOmundaungilo paife omu na

omaumbo 57, ndele omaumbo ane aeke, omo kamu na omukriste.

Omuene ne tu kuafe natango, tu mone eshi hatu ningi nomaumbo oo ane.

Andreas Konaletlo.